

VENDIM
Nr. 197, datë 22.2.2012

PËR NJË SHITESË NË VENDIMIN NR. 442, DATË 18.4.2008 TË KËSHILLIT TË MINISTRAVE
“PËR PËRBALLIMIN E SHPENZIMEVE TË PALËS SHQIPTARE, PJESËMARRËSE NË
OPERACIONIN USHTARAK “ALTHEA”, TË BASHKIMIT EUROPIAN, NË BOSNJË-
HERCEGOVINË”

Në mbështetje të nenit 100 të Kushtetutës, të nenit 5 të marrëveshjes ndërmjet Republikës së Shqipërisë dhe Bashkimit Europian, për pjesëmarrjen e Republikës së Shqipërisë në operacionin ushtarak të Bashkimit Europian për menaxhimin e krizës në Bosnjë-Hercegovinë (operacioni “ALTHEA”), ratifikuar me ligjin nr. 9392, datë 12.5.2005, me propozimin e Ministrit të Mbrojtjes, Këshilli i Ministrave

VENDOSI:

1. Pas shkronjës “b” të pikës 1 të vendimit nr. 442, datë 18.4.2008 të Këshillit të Ministrave, shtohet shkronja “c”, me këtë përmbajtje:

“c) shpenzime për zhvillimin e aktiviteteve social-kulturore në rastet e festave kombëtare, gjatë kohës së kryerjes së misionit.”.

2. Efektet financiare, që rrjedhin nga zbatimi i këtij vendimi, të përballohen nga fondet e miratuara, për çdo vit, në buxhetin e Ministrisë së Mbrojtjes.

3. Ngarkohet Ministri i Mbrojtjes për zbatimin e këtij vendimi.

Ky vendim hyn në fuqi pas botimit në Fletoren Zyrtare.

KRYEMINISTRI
Sali Berisha